

# Jü Carta San Pablota Guosa Huëpo Jiojtekähui Jume Tesalonisensemmehui

## *Teboteri*

**1** <sup>1</sup>Ínapo, Pablo, Silvano, entok Timoteo, Jesucristota súalhuäpo náu aanim pueblo Tesalónicapo jomemmeute tebote, huame yü tütti itom Dios Átchai anhuäpo entok itom Señor Jesucristotamaki: <sup>2</sup>Tühua entok yánti jíapsihuame Dios itom Áchay entok itom Señor Jesucristota bétana enchimmeu ayunake.

*Dios jume kaa tühuata  
yáalamet bétte nokta ámet  
chúpanake, Cristota yepsako*

<sup>3</sup>Jíbate Diosta baisaupo yúmala, enchim béchibo, hermaanom, Diosta éä pámani, juka Diosta enchim súalé béchibo enchimmet ä yötu tíaka, entok jü yore nákhuae huatem béchibo enchimmet juebénasime. <sup>4</sup>Júnélite ítapo enchim bétana két ito jábele, jume huate Jesucristota súalhuäpo náu anim násuku, Diostat ára boobit-huamta enchim jípurèhui, entok Dios éhuamta enchimmet ayukä béchibo. Bueitukem jiojot

aneka, entok guok jájjahuaka junne, kaa huanti jíapsekem yánti aane. <sup>5</sup>Ímĩ jünakiachi jü Diosta bétte noki lútula huëpo. Bueituk ínëlem Áamak ä áttiaka tahuanake, juka téhuekapo Diosta reytaka néshuëpo, hua enchim Áa béchibo jiojot máchiraata bíchakähui.

<sup>6</sup>Bueituk türi Diosta bíchäpo huame jiojot máchiraata enchim bíttuakame, bempom két jiojot máchiraata bítpo yúmala. <sup>7</sup>Eme éntok jiojot máchiraata bíchakame, ito bénasi jimyorehuamta enchim miknake, huám itom Señor Jesússta téhuekapo áu yeu machiriako, huame Diosta ángelesim útteata jípuremmak náuhui, <sup>8</sup>jum táijta béetëpo Diosta kaa súalekame kaa tühuaata mabet béchibo, entok huame kaa ä súalekame, huaka tü nokta itom Señor Jesucristota bétana huémta. <sup>9</sup>Huámëi éntok jíba béchibo emo tärunake, Señorta anëpo yeu béeptaka, ä úttiära entok ä ujoyória ayukäpo, <sup>10</sup>huäri taahuarit Ápörík äbo

kóm yepsayo ä yörinä béchïbo huame yeu púarim násuku, entok ä úttilnä béchïbo huame sïme ä súalekame násuku; bueïtuk emëe huaka itom Áa bétana nokakähuem súalek.

<sup>11</sup>Huäri béchïbote két Diostau nooka enchim béchïbo, Diosta tü éäü enchim ä núnuikäpo yúmalasi bínnakë béchïbo. Ä súalhuame éntok enchimmet ayunake, ä úttiärayi. <sup>12</sup>Ínëli itom Señor Jesucristota téhuam enchimmet yörina, eme éntok Áapörïkuchi, itom Dios entok Señor Jesucristota tü éeri enchimmeu bíchaa jípurë béchïbo.

#### *Juëna yóremta yeu machinakëhui*

**2** <sup>1</sup>Én éntok, hermaanom, enchimmeute nooka, itom Señor Jesucristota yebijnakëhui entok itom áu náu yáijnake bétana: <sup>2</sup>Jum enchim éeripem kaa läulauti täbuiasi éiya kaa náa múksi sékãna bíchaa, éntokem täbui espírituta bétana kaa emo náyotebo junne, nokhuäpo entok jiojteripo junne, ito bétana ä huë tía bénasi, juka itom Señor át yebijnakeu taahuata kaa mékka bëyeu bétana nokamta. <sup>3</sup>Kaabe kía enchim bäitäunake; bueïtuk kaibu bát yebijnake, ál-la bátchu, jü Diosta béj-reka anhuame; entok áu yeu machirianake, hua juëna yóreme, jü emo taruhuäpo usiari. <sup>4</sup>Huäri sïme jü Diosta bétana huémta béj-reka áu tóboktia, entok áy ä yörïhuäu béj-re. Diosta tiöpopo júne két yejteka, áu Dios tíanake.

<sup>5</sup>Jachem kaa áu huáate, enchimmak aneka íä bétana ín

enchimmeu nokai'behui? <sup>6</sup>Én éntokem béja jüneyia, jita béchïbo kaa áu yeu ä machiriähui, bueïtuk áu ä täyatebonakeu taahuari yúmanake. <sup>7</sup>Bueïtuk béja éhuil tekipanua, hua juënakuu Diosta béj-reka huéeme; entok jíba junëli tekipanuanake, huaka áabia kíktelamta yeu huíkuhäu tájti. <sup>8</sup>Huanäi ál-la áu yeu machirianake, hua juëna yóreme, të jü Señor ä tempo úttiära yeu huémtoy ä mënake, entok äbo ä yepsäpo ä machiriay úttiata ä úhuaaka kaitapä tahuarianake. <sup>9</sup>Íri juëna yóreme Satanásta éäpo yebijnake, buéresi útteaka, señaalim yore bäitattähuame, entok kaa jaibu johuame jonake, <sup>10</sup>huame emo tarunakeme bäitäu béchïbo; huanäi ínëli huame lütüriata kaa huátátame katim jínëutunake. <sup>11</sup>Huäri béchïbo Dios juka úttea am bäitäunakemta ámeu bíttua, huaka kaa lütüriata bem súalnakë béchïbo, <sup>12</sup>juka nokta jiokot machisi ámet chúpatunakë béchïbo, sïme huame lütüriata kaa súalekame, entok juënakuu aneka jíba áma al-leame.

#### *Jínëu béchïbo yeu púarim*

<sup>13</sup>Të ítapo jíba Diosta baisaupo yúmala enchim béchïbo, hermaano Señorta nákéhuim. Diosta ániata naatekäpo naateka enchim yeu púhuak, enchim jínëutunakë béchïbo, hua Espiritu Santoy tü yáataka, jum lütüriapo Diosta enchim súalekä béchïbo. <sup>14</sup>Íari béchïbo enchim núnnuk, íri tü nooki itom evangeliohui, itom



(2ª de Tesalonicenses 3:5)

Señor Jesucristota lóoria enchim jájammaké béchïbo.

<sup>15</sup>Júnëlituko, hermaanom, enchim jíapsi tutti yéchalatakem aane, éntokem juka doctriinata enchim majtiahukau jíapsipo éria, kía nokpo enchim jíkkajakäu entok itom jïojteripo enchim täyakähui. <sup>16</sup>Huanäi Áapo itom Señor Jesucristo, entok itom Dios Átchay, hua itom nákekame, entok ä tühuay jíba béchïbo jíapsi al-leehuumta entok Diosta boobit-huumta itom mikakame, <sup>17</sup>enchim jíapsi kutti éetuanake, entok huitti éehuumta enchim máknake, enchim nokäpo entok tü tékilta enchim joäpo.

### *Jü Diosta noki úttilna*

**3** <sup>1</sup>Én éntok, hermaanom, Diostahuem oraciompo itom nok-ria, juka Señorta noki huitti huéenaké béchïbo, entok ä yörinä béchïbo, enchim násuk ä sikä

bénasi, <sup>2</sup>entok juëna yöremem násuk itom áma yeu huíknaké béchïbo; bueítuk Dios éehuumta kaa sime ä jípure. <sup>3</sup>Të jü Señor ä noki chúpanake. Útteata enchim jíputuanake entok enchim suayanake, kaa tühuaata bétana. <sup>4</sup>Entok Señortatte huitti éiya, huaka enchim joäu jíba enchim yáanake bétana, itom enchim át sáhuekä pámani. <sup>5</sup>Jü Señor áman enchim rúktianake, jum Diosta yore nákehui, entok Cristota bétana yánti éehuumta enchim máknake.

### *Jü tékilta yáanäu úttea*

<sup>6</sup>Én éntok, itom Señor Jesucristota téhuampote nésauta enchim mákka, hermaanom, huame jájana emo nüyemmak kaa enchim cháchätu sáhueka, itom enchim majtiakä bénasi kaa emo nüyemmaki. <sup>7</sup>Bueítuk eme jüneiya jáchin enchim násuk itom

ito nükähui; ínëlem jíba emo nüye. Bueituk ítapo kaa kía jájana ito nuka enchim násuku. <sup>8</sup>Katte jábeta kía jíbuáriak, ál-late tüisi tekupanuak, lótteka taahuapo entok tukaarit náa búrujti, kaa béttesi enchim béchíbo obiachitu báreka. <sup>9</sup>Lútüriatate jípure jïobe, të ejemplotate enchim mák báare, enchim ito bénasi emo nünakë béchíbo. <sup>10</sup>Bueituk két enchimmak aneka íkái nésautate enchim mákkak: Jábe kaa tekipanua báareme, éläpo két kaa jíbuänake. <sup>11</sup>Bueitukte enchim násuk ä jíkkaja, huatem jájana emo nüyëhui, ál-lam kaita bem jüneriäpo emo kíkkima. <sup>12</sup>Ímechíte huitti nésahueka kutti nokta mákka, itom Señor Jesucristota téhuampo: kaitat jáchin éakam tekipanuaka bem buänakeu kobanake.

<sup>13</sup>Eme éntok, hermaanom, katem lótte tühuata joaka. <sup>14</sup>Huä jábe ä sáyuaka páman kaa huée

bárëtek, ímí enchimieu jïöjtekä pámani, áachem suuhua, éntokem kaa áamak emo chátcha; éläpo tiunake. <sup>15</sup>Katem omtihuäpo áu omtemta Bénasä bitcha, ál-lem súamsi áu nooka, kuttíflasi Cristota súalhuäpo tüisi ä huéenakë béchíbo.

*Diosta tü éeri yoret chúpahuame*

<sup>16</sup>Áapo Señor yánti jíapsihuaanta yore mikame jíba enchim ä jíputuanake, juka yánti jíapsihuaanta jita enchimieu huéy junne. Jü Señor símemmak enchimmaktunake.

<sup>17</sup>Ínapo Pablo íkái tebotetane ín mámammea yáala. Íri jü seña síme ín jïöjteripo, ínëline jíjïojte.

<sup>18</sup>Huä tühua itom Señor Jesucristota bétana huéeme símemmak enchimmaktunake. Tua júnentunake.